

大丈夫論卷上

提婆羅菩薩造

北涼沙門道泰譯

別

施勝品第一

敬札等正覺大悲哀世尊因彼起正法
三界中真濟衆中第一尊無量功德藏
菩薩本所行我當說少分我今哀愍彼
開演妙施門一切諸賢士應當歡喜聽
菩薩行施時大地皆震動七海涌泉寶
慧雲雨妙花元心猶如是況有情識者
菩薩施廣大猶如虛空界假使五通仙
充滿十方刹聽聞猶尚難況復分別說
無有地方所而不以求施淨水浸大地
元有不遍處元有一切物菩薩所求施
無有一衆生不曾受施者論者語大地
一切應札汝何故札大地菩薩行施廣
菩薩一日施種種衆雜物辟支佛百劫
不能知邊際所以不能知大悲為施體
能成種種智果施因為最大此是智者說
施能到彼岸若一到彼岸諸度悉具足
波羅蜜義者名為和集聲辟如多人處
名之為大衆菩薩提之種子能成大智果

一切衆事具莫不由施成施是生天道
出世之胞胎無相施為妙平等為最勝
身及物皆施元有所法惜一切處皆施
元有方所者一切時皆施元有不施時
於此四施中心智常不動如是行施者
名不思議施若施一衆生一切盡蒙樂
若不如是施是名為欺詐雖名施一人
是為施一切所以名一切大悲心普故
大悲所以普為求種智故施佛及羅漢
世名良福田大悲平等施是為家勝施
無量財寶施不若暫止息悲心施一人
功德如大地為已施一切得報如芥子
救一厄難人勝餘一切施衆生雖有光
不如一月明衆生若心重所施恒為已
菩薩悲心施如天去衆藏救濟慈悲施
普為詳生類如是慈悲施功德元窮盡
如此微妙施安樂諸衆生貪求佛智慧
心元有欲足如是悲心施能除光明障
開導愚冥者使得智慧眼能滅諸結使
消伏老病死施與悲心俱衆生之甘露
施勝味品第二

大丈夫論卷上

第三段

大悲心為體能起種種施種種救衆生
得到於智處能除諸愛結及以元明垢
能令一切衆生皆得安樂如是悲心施
誰不生愛樂大悲心所起功德之施利
不能生愛樂背離於救濟是人為愛繫
菩提甚難得諸欲求佛者愛樂施甘味
智人喜惠施甘樂菩提味深見三有過
涅槃味甚樂速疾欲遠離一念須不住
又見於施樂復過於涅槃愛樂施自在
心則忘菩提心既忘菩提謂菩提難得
自觀樂施心由悲衆生故不覺施味樂
施有三樂味
一者求報施味二者求解脫施味三
者求大悲心施味此三種味者名增
長樂味施
施主體品第三
受者得元量珍寶心大歡喜施者行
少施時心大歡喜過於受者百千万
倍能如是施者是為第一行
成就救濟者飲大悲甘露菩薩行此行
永除慳病者
菩薩悲心以施為體世間衆生以結
使為體純以衆苦以為一味為得樂

大丈夫論卷上 第三段 則

故行悲心施日以照明為用月以清

涼為性菩薩以悲為體智慧及財施

安樂於一切如從歌羅邏乃至至時

十時差別雖至於左不捨嬰孩之相

菩薩虛渴施心救濟眾生亦不捨凡

夫難欲至於非想不離凡夫之相菩

薩不捨施心救濟眾生亦復如是欲

除施渴當飲大施之水施渴暫息餘渴

不已愛樂施故一切眾生依食而存

大悲亦依施而存菩薩法身不依

飲食而得存濟大悲為食菩薩身存

悲心如火欲施如飢施與好食菩薩

樂與元有歡足悲如大海施如沃焦

救濟心為水如沃焦吞流欲向菩提

以眾生為伴悲心為體施無歡足如

海吞眾流無有止息

一切眾生來各各索異物菩薩皆施與

心無有疲倦諸苦惱眾生盡皆為除滅

設有未除者心元有歡足

施主乞者增長品第四

有大悲者能廣生死種種施與滅眾

生苦若能如此善住生死

福德善丈夫悲心施惠手拔貧窮於泥

不能自出者

悲心為體能行大施滅眾生苦如盛

熱時興大雲雨起大悲雲雨於施電

摧破貧窮如壞山石極貧窮者無限

齊施令彼窮者永離貧苦以大施雨

普益一切眾生貧窮永元住處菩薩

為救眾生修行施時魔及眷屬皆生

嫉妬愁憂苦惱菩薩修行元量非施

法施之時慳貪嫉妬志皆驚怖莫不

愁怖

慈心端嚴身悲心為千眼施為金剛杵

菩薩如帝釋志皆能摧壞貧窮阿修羅

菩薩悲心弓種種施為箭破貧窮怨賊

永元有住處悲心堅固根受語以為重

忍辱為披條布施以為果求者為鳥獸

乞者如大風能吹施果落貧者得滿足

菩薩出時夜慈心如滿月淨施以為光

求如拘牟頭以淨施光明令彼得開敷

乞者既得滿足歡喜悅豫轉相施與

亦如菩薩施乞求者展轉相聞亦如

菩薩菩薩布施流聞一切諸貧窮者

皆來歸向如曠野樹行人熱時皆往

歸趣菩薩受樂名勝得解脫何以故

能使乞求者來使我得施福故以施

福故名得勝處一切眾生皆來歸集

如是大士志應敬禮菩薩心喜即覺

身輕以此相故當知必有來乞求者

若有人來語菩薩言有乞者來菩薩

歡喜即以財物而賞使者菩薩即以

餘物而與乞者見乞者來歡喜愛敬

求者言乞作此語時懷憐愍心若有

乞者不知菩薩

體性樂施菩薩執手歡喜與語猶如親

友壞彼不知使生知相彼乞求者得財

歡喜傍人見之亦復歡喜願此救濟

我者長存於世此乃乞者真濟菩薩

見乞者時身心歡喜面如滿月使彼

乞者歡喜悅豫如甘露塗心菩薩和

顏悅色用慈心眼視於前人如飲甘露

譬如有人盜竊他物至市賣之若得

速集心大歡喜菩薩得施乞者物時

心大歡喜復過於如是如巨富人多饒

財寶千子具足隨意恣愛念歡喜

不及菩薩於乞者心大歡喜菩薩見

乞者時心大歡喜勝於他人見所親

者若見前人得多財寶隨心恣意而

自矜高菩薩見之倍生歡喜若見乞者發言時菩薩施渴心重耳聞乞言如飲甘露若聞乞言心生愛重無能壞者若聞具足則壞其愛心菩薩於乞求者常生愛念若聞其足聲則壞其愛味菩薩觀前受施福田頗有共我等者遂見貪愛眾生則與我等所以者何彼貪心无足我施心无厭彼貪心者愛大施主菩薩見多乞者亦深生愛敬貪求者常求施主欲乞施者常求乞者所欲與之菩薩常與世人相乞者皆就施者而乞菩薩就乞者而施乞者聞施者財物匱盡生大苦惱菩薩求乞者不得之時心生憂惱復過於彼百千万倍於求乞者菩薩思惟佛言求不得苦真復如是菩薩於乞求者生難遣想所以者何若乞者種種波羅蜜則不滿足無上菩提則不可得是故於乞求者深生悲惱若有乞者无上菩提便為手執不難菩薩聞乞者言與我與我心生歡喜此今即便與我无上菩提世間愚癡眾生若聞乞財則生輕慢不生

大丈夫論卷上

第七卷 別

愛敬菩薩念言所以名為乞者多是愚癡眾生以慳心故與作惡名如是人者乃可名為施者雖有財物復无施心雖有財施心復無受者若具足三事是大福德人如有貧人得大寶藏心生恐懼或王賊水火來見侵奪遇值親友而語之言我今為汝作諸方便令无喪失即大歡喜菩薩得乞者以為善伴心大歡喜亦復如是菩薩悲心遍一切處於彼乞者特生憐愍菩薩悲心見乞者和顏悅色使彼乞者生必得之想乞者見菩薩顏色和悅之時即生決定必得之想菩薩見乞者時語言汝來欲須何等隨意而取安慰之言善來賢者莫生恐怖我當為汝作依止處如是種種安慰乞者常以愛語使彼乞者心得清涼種種財寶隨意而與諸乞求者貪火熾盛菩薩常以施乳滅貪求火若能如是種種施者名為生人若不如是名為死人受施者大得財物餘人見之歡喜讚歎菩薩亦時菩提之果如在掌中悲心淨則施淨若无悲心施

大丈夫論卷上

第八卷 別

不清淨菩薩作是思惟善調順意者敬悲心勝能使施淨菩薩見貧窮者悲心極重眾生極貧得菩薩施便成巨富譬如有人得如意珠所欲皆得諸貧窮者得值菩薩一切貧苦悉皆除滅菩薩先行財施次捨所親又捨手足復捨身命如是漸漸次第而捨菩薩往乞者所與其財寶嘆其乞者與其諸親若乞者自來求索相與其手足若發言求索便捨身命若不來者自往施之有來求者尚捨身命況復財物而不施與菩薩成就悲心如目已體未曾捨離見來求者於已身所生於他想菩薩身中生其憫熱云何愚癡乃於我身生於他想語乞者言一切財物先皆與汝都是汝物汝今但取云何言乞諸求者言何時見與菩薩報言我先於三界尊前發願誓願是時與汝汝今云何方從我乞菩薩發心願一切眾生於我財物生已有想如辛頭河飛鳥走獸往至其所隨意而飲无遮護者與以不與先以捨離更不言與亦復不生歡喜之心

大丈夫論卷上

第九卷 別

何以故先以與竟以一切所捨優諸
衆生皆當得樂菩薩於一切衆生是
走使者一切衆生皆是施主諸貧窮
者心充足時菩薩令時檀波羅蜜志
得滿足檀波羅蜜滿足之時知功德
滿足慳貪者見乞者時則背其面修
功德者見乞者時歡喜瞻視親近乞
者則得菩薩施時見受施者展轉相
施便生歡喜一切衆生讚歎歡喜菩
薩聞其讚歎心大歡悅勝得解脫之
樂菩薩悲心施時見一切衆生多得
財寶充足快樂諸衆生等得快樂已
而發願言我當久處生死修諸功德
不求解脫菩薩既見衆生能久處生
死心大歡喜我今便為得現果報設
當不得菩提亦為具足

勝解脫品第五

菩薩思惟常所愛勝解脫者來覺悟
我彼來者不為財寶為欲成就我大
事故來菩薩或為人王修諸功德者
來而白王言有乞者來王即念言此
言乞者乃是勝解脫來我今得之王自
念言我今不為貪著王位為欲利益

一切衆生不應空居王位應修施果
滿足而彼使者乃是覺悟我者凡為
乞者甚難為願心懷慙耻言色變異
菩薩即知其意而安慰言若有所須
隨意而求乞者既得財物心大歡喜
施者受者二俱歡喜如涅槃樂三有
生死熾然太苦菩薩處之如涅槃樂何
以故為欲救濟諸衆生故菩薩念言
悲衆生者即是我解脫以大施惠救
濟衆生衆生得樂即是我解脫雖復大
施若無悲心不名為施若有悲心施
即是解脫菩薩思念我於往昔三界
尊前聞解脫極樂我今已證何以故
稱意而施即是解脫若阿羅漢解脫
樂與悲心所起施樂相似者我則受
之若不相似我則不受唯愛施樂以
為解脫悲心起施所得快樂無有比
類无悲心施解脫之樂百千万分不
得為喻悲心起施所得喜樂若當可
以喻為喻寧為極大是故不可為喻
施主增長品第六

悲心起施能與衆生樂果如是施主
與衆生樂者勝於解脫名為最勝施

三成他樂曰修悲者於一切衆生得
平等心如是者名為檀越不能如是
施者名為乞者若行施時使聞者悲
泣是名善施若不如是不名善主若
行布施能使受者子孫恣意受用歡
喜讚歎名健施主若乞而與不名施
主自往而與名善施主若捨一切財
物愛心而與不名施主有悲心雖不
與物名大施主諸來求欲皆使隨意
使稱本望名善施主不能稱彼本望
雖復大富名貧窮者富者雖與无悲
慈心名曰與不名施主悲慈心施是
名施主若不食取无有果報施雖與
不名為施无悲心施雖與不名為施
有悲心者雖復不施名之為施若求
報施者名為施者商賈之人亦可名
施若求報施果報猶尚无量況有悲
心不求報施果報何可稱計若求報
施唯可自樂不能救濟徒自疲勞悲
心施者能有救濟後得果時能大利
益貧窮者不如如有財者有財者不
能食能食者不如能施者悲心施者
善一切衆生富者應施施者應悲富者

能施富得堅牢施者能悲施得堅牢
修施者得富修定者得解脫修悲心
者得无上菩提果中寂勝

恭敬乞者品第七

菩薩思惟因彼乞者得證菩提我當
以此菩提迴與一切眾生以報恩故
我今因施眾生得無比樂因此樂故
得成菩提如此菩提我當施與乞者
我今因施乞者得於快樂勝解脫樂
因中施樂猶尚如是況無上菩提我
當捨之施諸乞者如是乞者其恩甚
重無以可報如此乞者乃能與我作
大樂因若以財寶不足報恩當以所
得无上菩提而施與之以我福故願
使乞者於將來世亦如我今成大施
主菩薩內自思惟因於乞者得快樂
樂使乞者得无上菩提為法施檀越
諸乞求者見菩薩大施而問之言為
求何等而等行大施菩薩各答言我
今不求人天果報聲聞涅槃願得无
上菩提拔濟一切眾生諸慳貪者而
作念言菩薩云何能行大施心不疲
厭菩薩答言我師三界尊悲念一切

大丈夫論卷上

第十三章 別

眾生我今无以報師恩故施無疲厭
一切之樂無勝解脫樂者我愛眾生勝
愛解脫我以愛念眾生欲令得解脫
故修種種施若生死不極苦者我施
終不求菩提以生死苦故我施求菩
提拔生死苦者誰之所作煩惱以業
之所造作使一切眾生以悲心為體
常樂惠施

施慳品第八

不念恩人无有悲心若無悲心不能
行施若不施者不能濟渡眾生生死无
悲心者无復親友有悲心者能有親友
計我者以愛為體救濟者以悲為體
心有重愛无有知者有重悲心者亦
无能知若不行施覆蔽悲心如以蓋
石乃知真偽若見苦厄者能行大施
則知有悲心慳心多者正使所親從
乞則成惡憎悲心多者假使惡家亦如
親友慳心多者雖施泥土重於金玉
悲心多者雖施金玉輕於草木慳心
多者喪失財寶心大憂惱悲心多者
雖有財寶无施處時心懷悲苦復過
於彼捨財物者凡有二種一者命終

大丈夫論卷上

第十四章 別

時捨二者布施時捨死時捨者一切都
捨无有毫釐至後世布施捨者捨於少
物得大果報何有知者見此過患而不
行施若行施時令受者喜悅自亦喜
悅若人不能深生喜悅便自欺誑若
有乞者有所求索為求有故施與少
物心則歡喜復有施者自往施與不
求果報而行大施餘有少許心中快
樂不可為喻設有美食若不施與而
食取者不以為美設令惡食得行布
施然後食者心中歡喜以為極美若
行施竟有餘自食善丈夫者心生喜
樂如得涅槃无信心者誰信是語設
有美食有飢者在不能施與是人
食尚不能施與况勝解脫能施與人設
令多有財物有來乞者尚无施心况施
少物不見是人於生死中有少樂處適
可住於涅槃若人於大水邊不能以
少水施與生死之中苦惱无量汝莫
在中位適可速入般涅槃如有大水
欲施人不以為難如有悲心欲取涅
槃亦不為難世間糞土易得於水慳
貪之人聞乞糞土猶懷慳惜况復

大丈夫論卷上

第十五章 別

財物

財物施品第九

如有二人一則大富一則貧窮有七者來如是二人俱懷苦惱有財物者懼其求索元財物者我當云何得少財物與之如是二人憂苦雖同果報各異悲惱念者生天中受無量樂慳貪者生餓鬼中受元量苦若菩薩有悲愍心於前衆生便為具足况復與少物如人大富多有財寶隨意而用心生歡樂菩薩悲心念施憂惱過於是人百千万倍有悲心者元有財物見人乞時不忍言元悲苦墮淚見苦惱者不能墮淚何得名為修行悲者勝者設聞他苦尚不能堪况復復眼見他苦惱而不救濟者元有是處有悲心者見貧苦衆生無財可與悲苦歎息元可為喻救衆生者見衆生受苦悲泣墮淚以墮淚故知其心軟菩薩體淨慈皆顯現何以故知其顯現見苦衆生時眼中墮淚以是故知菩薩其體淨軟菩薩悲心猶如雲聚雲聚見日則皆散消菩薩悲心見苦衆生

大天論卷上

第十六卷

大天論卷上

第十七卷

大天論卷上

第十八卷

悲心雲聚故眼中流淚菩薩有三時一者見修功德人以愛敬故為之墮淚二者見苦惱衆生無功德者以悲愍故為之墮淚三者修大施時悲喜踊躍亦復墮淚計菩薩墮淚已未多四大海水世間衆生捨於親屬悲泣墮淚不及菩薩見貧苦衆生元財施時悲泣墮淚菩薩入教衆生極樂心相應元盡實歲自然而出一切乞者自然而至善丈夫者能以財物大施乞者乞者得財物已亦行大施菩薩能以財物施於衆生使其富足以等悲心聞乞者聲為之雨淚乞者見菩薩雨淚雖不言與當知必得菩薩見乞者來時極生悲苦乞者得財物時心生歡喜得滅悲苦菩薩聞乞者言時悲泣墮淚不能自止乞者言足令時方止菩薩修行種種施已衆生滿足便入山林修行禪定云何滅除諸衆生三毒苦患菩薩財物倍多乞者可施我今何為守之而住今當捨之出家捨一切品第十

菩薩大有財物元有乞者榮之不示

菩薩思惟故當斷諸結使无有來者菩薩悲心一切衆生衆苦圍繞發願度諸衆生菩薩諸有所索一切皆捨无物不與欲求佛智最上救濟一切衆生尊有勝悲心欲行救濟何物不捨有悲心者為他故涅槃尚捨况復捨身捨身命財有何難也捨財物者不如捨身捨身者不如捨於涅槃涅槃尚捨有何不捨悲心徹髓得自在悲作救濟者大菩薩施都无難也是一切衆生寧觀與他作向樂因悲者一切鄙捨雖諸疲勞一切衆生真濟然親平等身命尚與何物不捨一切衆生極重財利樂愛命重於財物一切財物歡喜不如捨身命時得勝歡喜種種施味忘知以施為食因之得存與他樂者欲知施身氣味故施身見他乞支體者心中歡喜勝於捨財歡喜如樂施者得歡喜樂不如菩薩捨身時得勝歡喜問淨提人乞財物者无我福德故得乞身者來捨財者財物由他或不稱意捨身者我得

自在隨意捨與不由於他此身不牢不定速朽之物可愛念者可速疾取諸食肉者語菩薩言汝今以熱肉血施我我當何以報恩菩薩報言若欲報恩者更語餘人有悲心者能施身肉可往取之若能如是便是報恩語乞者言汝今為我取不堅身使我得堅牢身汝恩極重何以可報未來世中捨身之果即用施汝我為救濟一切眾生故捨於身命捨身者得於法身得法身者得一切種智使一切眾生皆得此果捨此身者得於法身法身者能與一切眾生利樂能如此思惟云何不生喜樂速捨此身菩薩捨身時作是思惟我為眾生作親友者我以度生死應度一切眾生脫於生死以是故我今捨身菩薩作是思惟我此捨身功德不屬悲眾生數還以養我功德法身若心如是決定之時捨身无有難相菩薩捨身所以不難以當成法身故是故歡喜貪受重者多得財時歡喜无量不及菩薩捨身歡喜百千万倍菩薩以智慧悲心為

大丈夫論卷上

第十九章

大丈夫論卷上

第三十章

體為眾生故求於法身菩薩捨身時樂勝於世人得轉輪聖王自在快樂如剎利種若壞敵陣能捨身命得生天上捨身命時歡喜元童菩薩以智慧悲心捨於身命時歡喜最勝復過於彼凡愚眾生為財利故在於敵陣捨於身命或為解脫投巖赴火喪身無數况復菩薩以智慧悲心為一切而不捨身命愚癡眾生以愛著心為國土故捨於身命菩薩智慧悲心為物而捨身命何足為難菩薩發誓願時一切皆捨雖有是語一切眾生實未得利修行布施余時一切眾生得利益受用菩薩捨身不足為難知身无常苦空不淨為眾生故而不捨離是則為難菩薩悲心為眾生捨身不足為難樂捨无有厭足此則為難假設使一凡夫令返大地力不能就眾生受惱菩薩見苦眾生末度脫時心懷悲惱復過於是以悲心故菩薩觀身輕於草土為眾生捨身何足為難若人為己身故一念中受不繫戒是人命終必生天上菩薩為眾生捨於身命

所有功德生死之中無有受處唯至菩提乃能容受菩薩若聞有人來乞身時即時生念我已久捨此身而不自取方從我索必當謂我有慳惜心而試我耳

捨陰受陰品第十一

阿羅漢捨後邊身得涅槃樂不及菩薩為眾生捨身時樂阿羅漢得解脫不如菩薩為眾生故受身時樂菩薩生念我以不取涅槃為眾生故得受是身是寂為妙菩薩念言我捨身命用施復受身不入解脫是為最勝我樂聞如來濟度眾生功德我得救眾生悲心氣味不取涅槃甚愛樂此事菩薩為眾生捨身施時雖不證涅槃得涅槃者以不得為眾生捨身氣味故菩薩受是陰身極是大苦如為眾生捨身時樂等无有異世間凡人為貧窮病苦之所纏逼不能捨離樂欲捨身眾生獸患陰身不能救濟者欲速入涅槃菩薩思惟涅槃甚樂生死陰身極為大苦我當代一切眾生受此陰身之苦使得解脫阿羅漢身盡

大丈夫論卷上

第三十一章

佛亦身盡身盡雖同不能救濟佛滅身為善

捨身命品第十二

菩薩為一切種智故大悲心為衆生故捨身捨命得果報不空若一切捨身不得果報名空捨身菩薩捨身為著財衆生欲使生著耻故菩薩為衆生捨身命者易於慳貪者捨一團飯菩薩捨於身命為慳貪者生其著耻菩薩所以施命為護他命故何以故他命即是我命菩薩雖捨身命不濟他者為觀陰身過故為益衆生復更受身若非大悲何有智者而樂陰身若無大悲施味者不能樂慶生死菩薩常樂行施大悲自在隨受生死身如涅槃樂

現悲品第十三

菩薩悲心極大在於身中无有知者菩薩捨身命時一切天人所以得知菩薩悲心極以深大遍一切衆生無有見者以財施法施無畏施悲得知見一切衆生身者无不是病无有知者以三事故知其有病何者為三飲

食衣服湯藥即是病相菩薩悲心以三事得顯何者為三即是財法无畏施也菩薩與一切衆生作樂為滅一切衆生苦故捨身救之菩薩不求果報視如薊草菩薩大悲作種種方便猶如乳聚以血施人易於世人以水用施如菩薩昔日五處出血施諸夜叉鬼踊躍歡喜无可為喻為欲救濟一切諸衆生故有餘人問菩薩言大悲者有何氣味能使捨身易於捨水大悲心菩薩答言以不求果報為他得樂故捨身命何以故樂无相為首入悲心樂有人見菩薩大悲疑之為是悲體以大施故知是悲體世人生疑為當悲來入菩薩身中菩薩生入悲中菩薩捨身者一切所不能共準大悲者能得一切種智時一切衆生所不能共有大悲心為益衆生所欲皆得无有難者決定得空心心利益衆生大悲常在心者无上菩提便如在手中心无異得住无生忍昔能顯現施羅且得住十地自在當知如佛法施品第十四

財施者人道中有百千万財施果報能得法施唯大悲者能得法施財施果報後身得无量樂悲者法施現證涅槃樂施歡喜甘露滿足菩薩悲一味以是因緣无一剎那欲趣解脫種種法施竟請諸聽法者我得法施果時必受我諸菩薩時施名為欲施非根本施成佛時施名根本法施佛智處虛空大悲為雲雲法施如甘雨充滿陰界池四攝為方便安樂解脫因修治八正道能得涅槃樂財施除衆生身苦法施除衆生心苦无量劫財施為得法施果法施能與衆生无畏施極歡喜生死智者求涅槃悲救衆生者求於法施菩薩受錢財為修施故修行施時為得法施見衆生有二種貪受愚癡貪受多者施財寶愚癡多者施與其法施財者為其作无盡錢財施法者為得无盡智故財施者為得身樂法施者為得心樂隨所化衆生所欲得義稱意滿足憍之无疲倦意得大功德法施歡喜增益端正如秋滿月常為衆生心眼

不離財施者為衆生所愛法施者常為世間之所敬重財施者與愚人而愛法施者為智者所愛財施壞財貧窮法施壞功德貧窮者此二種施誰不敬重財施者能與現樂法施者能與天道涅槃之樂樂愛悲者能愛一切衆生愛一切衆生即是愛已阿羅漢捨於衆生入涅槃去尚不為智者所愛況苦衆生者誰當愛樂常行惠施遠離十惡恭敬父母若如是者是報我恩若欲續佛種者當以悲心為首饒益於他常能思念成就衆生事

大丈夫論卷上

梁郊歲高麗國大藏都監奉勅雕造

大丈夫論卷上

第二十五卷 別

大丈夫論卷下

提婆羅菩薩造

北涼沙門道泰譯

則

發菩提心品第十五

施事已足為一切衆生親者未曾一念不與悲心相應善薩悲心遍緣一切無不緣者以悲心遍故後成佛時得一切種智無有障尋以悲心故捨聲聞解脫發菩提心此初一念之心准佛知其邊量況菩提行解脫樂方初一念發菩提心猶如大地金大地土不相方喻初發心時以能淨諸結使招一切功德菩提是發心果為一切衆生求樂善薩發菩提心竟未發願者問解脫云何以因緣故問以發心者如從解脫中來是故問言云何為解脫相為往到解脫故知為解脫來耶已發願者答言發菩提心時歡喜快樂猶如解脫是故得知欲供養一切佛者當發菩提之心欲報佛恩者當發堅牢菩提之心除發菩提心更無有法能至菩提若無菩提心

則不得佛果若不得佛果則不能救度衆生欲與一切衆生無量大樂當發菩提之心何以故菩提心者是一切衆生樂因一切諸色不離四大一切樂事不離菩提心惟哉云何迺不長生死之苦乃畏無畏菩提之心若欲止息一切衆生苦者無過發菩提之心發菩提心者是初止息因初止息得元止息得財寶利不如得功德利得功德利不如得智慧利得智慧利不如得菩提心利若放逸廢忘不念菩提心者如禽獸無異汝今云何不發悲心當知悲心者即是大菩提欲趣向佛智應發菩提之心為結使而障者不能發解脫之心為業報障者不能發菩提之心云何邪趣云何正趣為有愛所牽以四空為解脫者名為邪趣發菩提心修八正道名為正趣為得富報者修行於施為得樂報者修行悲心為欲救濟安樂衆生者當堅發菩提之心不修福者有三事難得一者不得親近善友二者不能悲心耽離三者不能敬尚佛慧

大丈夫論卷下

第二張 別

未發菩提心者應當發心若發菩提心者得一切種智

功德勝品第十六

有人等以財物施一福田心不同故得報有種種有得三有樂者有得寂滅樂者有得利他樂者思願勝故得報不同以愛心作福者受報時愚闇悲心修福者受果時得於智慧不敗壞菩提心為饒益眾生作福者當知此福為福中取勝其餘修福名相似福非第一福修一味智慧當知此福為第一福既益世間故三寶種不斷知業知果知歸依佛慈悲計我行福如行惡者甚可慚愧善丈夫者見人天世間无救終不為己修福生死中苦尚不可聞况復眼見眾生受身極可患厭云何為我修福作業悲者所不能作一剎那頃不離悲心為眾生親友云何為我作福有當功德味者得自在修福得他報恩勝氣味夢中尚不為己修福况復覺時以智能見過終不求有造福悲心者終不為解脫修福智者棄求有業悲者棄解脫業所以者何悲者為利益他故無勝

智慧平等造作因福一果福无與等者從十力得智為已得樂捨利他樂名背恩者唯我能知從佛得知故一切眾生是我修福之伴設當得果而獨受用名背恩者極難得樂豈得獨受其如是丈夫為一切所棄設得千涅槃樂不為饒益不如救一眾生苦勝得千涅槃樂解脫樂尚不獨受何以故見世間眾生无歸無救故尚不獨受解脫樂况復無上菩提

勝解脫品第十七

更有餘三昧定慧境界眾生皆悉作佛以有此三昧故不欲取於解脫頭陀除一切過惡寂滅如在口中真清者為眾生苦故而證取定慧悲自生見世間眾苦世間真清者終不越度去

如海潮終不過限修悲者百劫苦行若能度於一人終不出生死力能得解脫為眾生故處於生死於三種施一切時常如節會不樂已樂為他作樂日夜於生死中而不憂歡喜快樂如處涅槃菩薩常為眾生作利益業歡

喜樂味智菩薩乃於夢中得歡喜樂勝於解脫菩薩得為他作樂歡喜氣味諸有眾生不得氣味證於解脫智人若得解脫知利他樂歡喜氣味者必當還求利益眾生畏於生死為自利益求於解脫以為極樂者不如菩薩受陰身時歡喜快樂為利他故若自一己受逼迫苦者乃可入於涅槃一切眾生受逼迫苦云何捨於眾生入於涅槃見自己苦者入於涅槃悲者見一切眾生苦皆住己心云何捨於眾生入於涅槃若能為他作樂歡喜即是涅槃若不如是即是生死於眾是有平等悲者為他作樂歡喜即是涅槃佛所讚說若解脫如利益一人歡喜樂者為智者所愛若與他重樂不計功者即是解脫悲者為他作樂不望果報若能如是即是解脫若不如是即是生死若為已求樂者即是苦也捨於己樂為他求樂即是涅槃世間眾生以破苦故名解脫修悲者能破他苦即是勝解脫也破他苦者二俱得樂何有智者捨二解脫取一

解脫世間人言有智者得於解脫苦
薩作是思惟我不信是語何有智人
捨救他樂取於解脫自己得樂能與
他作樂三有中樂勝解脫樂菩薩為
衆生受苦勝於他人為已得解脫樂
饒益他品第十八

世間衆生為已樂故於生死中身心
疲勞菩薩心得休息悲心作饒益他
生死中除對治法更無有樂菩薩除
利益他更無有樂菩薩得作利他歡
喜樂知利他者即是自利捨自己利
受利他樂知利己樂即是利他樂知
利他樂即是利己樂知利他樂時即
自己樂故人有上中下愚人者見他
得樂心生苦惱中人者已自苦時知
苦上人者見他樂時心生快樂見他
苦時如自己苦菩薩四攝法中與他
同利云何同利他苦則苦他樂則樂
是名同利悲心平等無有他想菩薩
與衆生同苦同樂菩薩自己身特生
苦惱何以故不能救衆生苦故不觀
過去不觀未來隨衆生意作減苦對
治菩薩自意亦如他意世間衆生與

大丈夫論卷下

第六卷 則

他利樂還望返報菩薩與他利樂不
望其報菩薩雖悲心平等愛一切衆
生然於悲憫中倍與利樂於悲憫邊
與利樂時心中歡喜如捨身命時歡
喜者名為平等若不如是名不平等
於悲憫中倍與利樂者名稱悲心所
作菩薩於一切衆生等生悲心然於
惡行衆生倍生悲憫如大富長者
唯有一子愛念之心徹於骨髓菩薩
愛念一切衆生亦復如是如有惡子
不欲父得勝己事者是名背恩一切
惡憎衆生於菩薩所同一味惡菩薩
於惡憎人生同一味悲心世間衆生
得報恩者生其歡喜若菩薩於惡憎
人所與其利樂心生歡喜倍過於世
世間衆生若罵時他不還報便大歡
喜菩薩得他罵時心大歡喜有愛心
者於三界中皆普遍菩薩悲心亦
普遍三界菩薩悲地獄衆生不如悲
愛著三界愚癡衆生衆生樂於已樂
為无量苦之所繫縛菩薩為利他
樂故為无量苦之所繫縛一切衆
生皆同一事皆欲離苦得樂與他利

大丈夫論卷下

第一卷 則

樂為勝有為利向己者亦是悲因亦
是喜因為利向他者見之生於悲喜
自為已利所以生悲見其得樂所以
歡喜四无量心者內心欲修緣四攝
法者為衆生利樂名為寂勝修四無
量者能與世法及出世法因世法出
世法及四无量心都是同一境界何
以故同一利益衆生同得一无上菩
提果故悲者能利他智者能捨不生
希有心不生高下心

勝施他苦品第十九
菩薩見他苦時即是菩薩極苦見他
樂時即是菩薩大樂以是故菩薩恒
為利他凡愚衆生見他苦時自己為
樂見他苦不以為苦賢人者自苦以
樂樂他不以己苦凡愚衆生為己少
樂而大苦他賢人者為與他少樂自
受大苦惡行者修少樂因得大樂時
雖生歡喜不及菩薩以少樂利他人
時心大歡喜倍過於菩薩見他受
苦以身代之身雖受苦不以為苦心
中快樂生大歡喜菩薩悲心得自在
樂不為三有諸苦之所逼惱菩薩飲

大丈夫論卷下

第八卷 則

悲甘露故不為諸苦所苦不為苦所苦故能為他受苦凡愚眾生見他苦時心中生樂見他樂時心中生苦菩薩見他苦時則苦樂時則樂無悲心者見他苦時如月極冷有悲心者見他受苦如夏盛日不問愚智見他苦時皆生厭離生憂惱因有悲心者深生憐愍作決定心一切眾生苦即是我苦菩薩作念若不能發大精進者何由能壞此大苦菩薩與一切眾生同利苦樂皆同須勤勞得成菩提菩薩作念我得菩提已捨與一切眾生還於生死之中從初發心還至菩提復捨與眾生然不可得菩薩為利他故行四攝法終不疲厭猶如大地持一切物終不疲厭為己身者自受其樂尚生疲厭菩薩為他作樂不生疲厭菩薩為他作樂見阿鼻苦如涅槃樂於餘苦邊有何疲厭若為一眾生受樂自受無量地獄常作勇猛與他作樂不生疲厭以何因緣為他作樂不生疲厭菩薩觀一切眾生不見他想都如自己眾生為結使所著於一切處

大文天論卷下

第九卷

皆欲害他為悲所持者於一切苦無不欲受苦菩薩為他受逼迫苦如苦者樂解脫樂菩薩樂代他受逼迫苦時即大悲心淨智慧觀他受苦悲心即在中住悲心住處則苦不得住雖復悲者為一切眾生苦之所經如是為他利樂心生歡喜勝解脫樂菩薩見他受苦如自己苦自己得樂欲與他人自覺勝於涅槃悲者常欲自受其苦與他樂悲之與苦不得一剎那頃而得共住行惡者見他苦時欲得遠避見他得樂心不憂悅菩薩見他苦時不欲遠離無愛者無一切苦業何以故除他人苦生大歡喜故菩薩與他大樂不必歡喜見他與人少樂心大歡喜何以故體性合故菩薩見他得樂自己亦樂菩薩見人與他少樂云何不生歡喜

受悲品第二十

若人不知身心常為極苦所縛則不能知他心中苦無悲者無惡不作若見他衰禍心不調軟此人名為極惡行者若有重恩者何時能念臨死之

大文天論卷下

第十卷

人雖有美樂以為極苦為極行惡無福德者得慈悲甘樂作極苦想若人巨富多饒財寶但自食噉不與他人為人所呵雖有智慧多聞若無悲心亦為人之所譏呵若見苦惱眾生難得悲心者非功德器猶如破器不任盛水有悲心者見苦眾生雖不能救濟可不能歎言苦哉眾生見眾生為貪欲瞋恚愚癡所病生老病死之苦常為眾苦之所惱逼怙哉眾生墮是大苦世間眾身苦心苦常為結繫之所破壞嗚呼惟哉世間眾生逼迫之苦何有菩薩而不生悲身住於駛流沒生死無窮可畏大苦海眾身常為苦苦所苦行苦苦所苦壞苦所苦若見一苦足生悲因况復具足三苦愚癡眾身常為百千諸苦所苦若見一苦應生悲心况復百千諸苦應當了知世間諸苦於一一苦中未生悲心者應當生悲已生悲心應當增長况復無量若聞世間種種無量諸苦石尚應軟况有心者而不生悲若聞世間悲呼之聲枯樹猶應生華况有心

大文天論卷下

第十卷

者而不生悲心聞苦一味心柔軟者
易生悲心有悲心者菩提之果便在
掌中

覺悟偉大夫品第二十一

悲心極豐富利他已生樂貧窮悲心人
不能貪此樂嬰愚愛自在悲心則肯去
悲心已背去衆苦皆未集

愛自在者處生死中欲分苦與他共迴
流生死悲心者於世間衆生分寂滅
樂共之而去有愛心者樂於三有知愛
過者則樂涅槃作利益他者則樂悲
心愛自在者常樂世間受身為己樂
故悲自在者常樂受身為樂他故愛
自在者常樂已樂以為自縛悲心者
恒為欲與他樂而為自縛愛自在者
常為己樂無有疲厭悲心者為與他樂
而無疲厭愚愛小者不愛自己亦不
愛他菩薩亦愛自己愚癡衆生常為
我者實是為他

大丈夫品第二十二

菩薩悲心唯有一事之所逼迫常為
他事苦來逼迫更無餘事是名成就
悲聚棄於涅槃如棄其苦受於有身

大丈夫論卷下

第十三段 別

如取解脫與世間利樂者名此為悲
知涅槃功德生死過患然不捨有為
如是一切盡是大悲功德一切度離
欲以涅槃為體而不取涅槃名身健
者大悲因緣故能入生死周旋性運
觀諸有盡滅知眾生是苦為救為依
心持大悲歡喜已身求十力身大悲
之愛得度悲度功德如轉輪聖王雖
有千子然愛相好具者佛亦如是於
一切衆生受有悲心者唯能作福無
智無悲名為丈夫有福有智名善夫
夫若修福修悲修智名大丈夫應看
悲者有悲者應共語說敬悲者具
一切功德

說悲品第二十三

世間人天阿修羅等受身有種種苦
唯有菩薩徹觀悲者和一切善法以
悲為首智人當知如似一切諸字悲
曇為首一切善法皆入悲中如似一
舍衆色皆入若見虛空淨即見大悲
淨見虛空無邊大悲亦無邊佛說若
欲現前見我當恭敬大悲若欲見我
當觀三界皆悲受苦若無邊故大悲

大丈夫論卷下

第十三段 別

亦無邊苦住故大悲亦住大悲住在
何處住在一切衆生貪欲瞋恚愚癡
生老病死種種苦聚與諸眷屬在中
而住有大悲心能知他苦此名與佛
共住有三種施一切功德養身猶如
乳母是名大悲

施悲淨品第二十四

猶如雪山生一切樂大悲雪山生三
種施一切功德除悲更無有法能與世
間作樂施作悲體能為世間作種種
樂无上果報為三施所成悲是三施
之因衆生祖母能生如來一切衆生
无上取勝歸依誰不恭敬能生三施
是名大悲菩薩大悲功德極多在心
中住唯有一事而不遠離無有染著
常作利益他事無有疲厭世間出世
間樂及利他樂皆從悲生是以我今
恭敬於悲能利益世間大悲者我亦
恭敬種種功德實如所說有二功德
寂勝能利益他及自淨悲悲能淨於
施是以我今愛敬施能莊嚴於悲我
亦受敬悲諸有同悲音者亦復愛敬
悲能淨心體施能淨業道能淨心體

大丈夫論卷下

第十四段 別

能淨業道即能淨涅。道能淨。无上
菩提。道悲能淨。捨无悲者。垢汙於捨
施能淨。悲能淨。施是名世間。端正
悲能生信。敬猶如大地。為衆華莊嚴
大悲亦復如是。世間衆生。為煩惱日
之所燒。逼得悲心者。皆生涼樂。猶如
夏熱之時。得清涼風。皆得止息。

受悲勝品第二十五

施緣取。取緣愛。有愛則有取。无愛則
无取。有悲必有捨。無悲亦无捨。愛故
取。增長捨故。悲增長。受恩者。生愛是
過患。惡則增長。悲心愛增長。為自己
樂。則害他。悲增長。能與他樂。自己則
苦。愛增長。而害他者。則非希有。悲心
者。捨己身命。而與他人。是為希有。
愛著者。名愚賤人。常在貧窮。受諸苦
惱。有悲切德者。常處富貴。貪愛者。可
得斷絕。有止足時。得智慧。則能斷絕。
止足得悲心者。无有止足。常施他故。
愛心者。能招集一切諸苦。成大苦聚。
悲心者。能生一切功德。若悲不捨。不
淨業者。我所不欲。設悲不能救濟。我
亦不欲。若悲不樂求。菩提亦非我。

所欲愛心者。能生一切苦。悲心者。能
生一切樂。從悲起。身口業者。名為勝
業。悲心者。能為一切衆生。作无盡樂。
智悲解脫品第二十六

智悲二事。何者。為勝智者。唯能自歸
依悲者。能使他人。歸依無上之道。有
悲无智。非智者。所受有智无悲。亦非
智者。所受。能障无上道。智不與悲心
相應。能障无上道。智菩薩。以為无智
一念不樂。生死悲不欲。解脫解脫。味
如甘露。悲者。以為无味。如美食。無塩
以為无味。解脫雖甘。若无悲心。菩薩
以為無味。若大悲與解脫。別解脫。皆
應敬。礼以大悲。是諸佛母。故解脫者。
名永無餘滅。一切事。悲心如善。呪能
呪死者。還活。若受有相續。不斷身者。
是常過。若取解脫。是斷過。離二邊。故
名之。為佛。救一切衆生。若无佛者。則
无解脫。若無悲者。亦无得佛。悲能生
解脫。以是事故。菩薩取悲。悲體一事。
能作二事。一能救衆生。二能生佛。種智
發願品第二十七

菩薩思惟一切衆生。共有无量種苦。

我當發於悲心。成一切種智。滅一切衆
生。無量種。共有之苦。菩薩見一切衆
生。沉沒無量无边。生死苦海。得平等
悲心。嬰愚无知。樂解脫者。生放捨心。
世間大苦。聚生我勝。悲心菩薩。思惟
我有悲心。觀苦衆生。未得菩提。道我
云何。使衆生得解脫。道菩薩。思惟一
切世間。我取少福。我今不能救濟。衆
生。菩薩。思惟我於三界。衆生。作大親
友。而衆生。常為身苦心。苦逼惱。我今
名為空惡。活者。菩薩。思惟我生。不能
破世間苦。不能利益。衆生。我用受是
身為苦。菩薩。思惟我是一切衆生。親友。
我當養育於慈家。所作大利益。菩薩。思
惟一切衆生。能為我作端嚴業。不使
一衆生。作不端嚴意。菩薩。作是思惟。
言。利他者。求他人之相。都不可得。都
如自己。何者。為他。即是利己。菩薩。思
惟。若有可願。屢使一切衆生。身心之
苦。一時俱集。我身常為受之。使衆生
得樂。不以為苦。菩薩。思惟我。苦提道
中。住一切所有。諸苦。我皆能堪忍。所
以者。何衆生。沒溺。生死苦海。我不能

度脫菩薩思惟雖有重結使然菩提道難得如是但有悲智二事為伴心終不疲厭菩薩思惟善逝所行道我今從中去我今於世間悲心施眾生當思惟我如彼無異菩薩思惟我今為世間依救當發願修大莊嚴智慧為善伴我今佛慧牙將生菩薩思惟我欲滅眾生苦使一切眾生得樂欲作一切事我常為悲心之所教詔菩薩思惟生死之苦聞尚疲厭悲者能得堪忍世間苦故為悲心尚向生死門菩薩思惟生死苦極可厭惡欲入涅槃大悲語言苦惱眾生未度太何捨棄而去菩薩思惟有為苦具足涅槃出世樂我今知生死有為苦涅槃元為樂悲心常樂三種施菩薩思惟我甚畏諸有以悲心救眾生故樂處諸有悲心語菩薩言我使汝慶生死終不放汝何以故為報恩故菩薩思惟解脫樂為度眾生尚不欲食悲心遮我使不得食況生死不堅牢樂菩薩思惟一切樂中第一佛說涅槃是涅槃雖樂我智不欲去所以智

大文論卷下

第七條

別

不欲去者悲和合故菩薩思惟我今敬尚涅槃所以者何涅槃中無生老病死故涅槃雖樂悲心所牽為眾生故而不得去悲心是諸佛之母是以不捨向於涅槃若涅槃就我猶尚不證況棄眾生而向涅槃菩薩思惟我欲向涅槃悲是佛母就我與乳云何捨去无上菩提設當不與眾生利樂我亦不求况復涅槃菩薩思惟不應向涅槃捨無歸依眾生故悲心故使我不證涅槃涅槃是盡生邊若無生者何能救拔眾生菩薩思惟受生者有二種樂一者救眾生樂二者解脫樂我去何捨二種樂取一種樂菩薩思惟一切凡夫盡共有一切種智性一切種智凡夫易得以是故我受凡夫不愛解脫菩薩思惟有苦眾生處悲心得生悲得增長以是故我受有中菩薩語悲心言汝使我得清淨增長使一切眾生盡得清淨盡得增長菩薩語悲心言眾生在苦為百千眾苦之所逼迫今日使眾生必得安樂與我成辦此事菩薩語悲心言眾生

大文論卷下

第十九條

別

為愛所縛為死所攝見世間無歸無依為救眾生故受種種苦菩薩思惟我愛大丈夫見有眾生墮在苦中捨涅槃樂為安樂眾生自勉勵此事菩薩思惟向救眾生得無生忍決定智得授記別得授記別者我今供養恭敬菩薩思惟佛得遍淨眼使我現前合掌請佛願授我記等同發願品第二十八十方諸佛現在前者為救眾生事我今作發菩提願一切眾生所作事我已堪任為作諸佛大悲皆稱我等善哉我所有若智若福使我一切無歸依為作解脫世尊使我常莫樂小智之心世尊使我如世尊具足十力若眾生結使熾火燒心使我以法水滅眾生結使熾火摧破魔怨得賢智得轉法輪壞一切眾生衰惱隨有一切眾生我皆一時為轉法輪一切所作福皆用為是以此福德使我得最勝法身猶如虛空遍一切處得二種身教化世間以此此福與諸佛和合无救眾生使得解脫種種煩惱具相作

大文論卷下

第三條

別

若能為苦因我所有福以智慧力滅
衆生苦使我以此福一切衆生滿虛
空界為作一味樂使我常滿所願陰
蓋賊衆能劫功德世間畏死使我以
此福救蔽一切衆生隨世間幾時而
住我善法亦住以我善故一切世間
出世間悉皆離苦得樂常一時和合
一切衆生菩薩思惟自今已去常從
乞者請受教令從今以往常於我身
所深生體信莫生他想種種所欲隨
其給使滿足菩薩思惟使我從今乃
至菩提無有一身不見佛時菩薩思
惟使我從今生死長遠設我不見佛
時莫一刹那頃離於悲心菩薩思惟
使我迫至成佛見外衆生所受諸苦
極逼惱我身我皆代受使我身得徹
髓悲心使我身身得使佛智解脫菩
薩思惟使我悲心猶如虛空一切山
河樹木飛鳥走獸皆依空住一切衆
生一切時皆入我悲中我依一切衆
生得立善根以我此善迴與一切衆
生得解脫果一切道路橋船方所皆
足衆生共有使我一切諸善亦一切

衆生共有菩薩思惟地水火風一切
衆生共有使我所作諸善亦一切衆
生共有我因一切衆生所得善根迴
與一切衆生得无碍智菩薩思惟我
所作諸善使一切衆生得離魔界入
於佛界使我得智恒十波羅蜜佛智
現前使一切衆生得安隱樂得不動
心一切衆生所有衰惱憊互相救濟
菩薩語福德言一切衆生為无明所
障不知自苦他苦汝當開解菩薩布
施行淨水時使一切衆生除有愛結
渴得无上道悲我施水時願使一切
衆生免思愛憊恒得自在得法財
富使我福如河慈心无垢花持戒
以為底施如駛流水除衆生渴苦使
我悲心恒如大河菩薩思惟我悲心
如海淨戒如海潮忍辱如波浪智如
海巨動慈心如一味水凡我所施者
使成慈心海使施福得悲甘露除衆
生老病死
勝發願品第三十九
若我於一衆生起於悲心與利樂時
願使大悲堅固以悲滅衆生苦使一

切衆生苦皆來逼我我今以此无畏
施福使一切衆生皆得大悲我今所
有忍辱功德於將來世刀兵劫時以
我悲心滅一切衆生瞋以施食功德
飢饉劫時使得飲食充足一切衆生
以水施衆生功德使成就悲心住一
切衆生心中以衣施衆生功德使一
切衆生得慚愧心以燈明施佛因緣
功德使我將來得於佛日滅一切闇
以施眼功德使我將來世願一切衆
生速得佛眼以我捨頭功德使一切
衆生向菩提心以我藥施因緣功德
使一切衆生除生老病死以我走
使供給衆生功德因緣使一切衆生
得無上无漏成菩提道以我華幢蓋
供養佛塔因緣功德使一切衆生得
高勝福以我懺供養舍利功德因緣
使一切衆生除闇得明以鈴聲供養
因緣使一切衆生得梵音聲以香華
瓔珞供養因緣功德使一切衆生除
諸結使垢煩惱臭穢以供養三寶因
緣功德使一切衆生常值三寶不曾
空缺以我於喻道中為諸商賈除險

道畏功德因緣使一切衆生出生死畏以我度衆生海難功德因緣使一切衆生度生死海以我所有淨善因緣功德使一切衆生摧破四魔得成正覺我當得三菩提我於衆生雖道

是語為欲安慰衆生故說是語以此功德使一切衆生得无上菩提一切衆生皆得作佛即是我菩提一切衆生為癡所障使得无上菩提以此因緣功德使一切衆生於前成佛我最後成以我於生死中往返因緣功德使一切衆生皆得作佛以我發善心功德因緣使一切衆生皆得佛智若有見聞受持讀誦者皆作无上菩提之因我欲滿一切衆生欲願我願故未滿若我見苦衆生悲吟之聲以此功德使一切衆生皆得作佛歡喜瞻觀設我修諸善行不使一切衆生作佛者我尚不喜聞况復履行菩薩語功德言汝若不能擁護衆生作依止者我亦不欲於汝及以果報何以故為衆生修福不自為已故若衆生盡我善如虛空於三時中與衆生樂施以菩提

大丈夫論卷下

第五五則

心勝丈夫悲發願此名說悲心亦名五種說亦名救衆生慈名大丈夫行賢偈有五百古書有八百阿闍梨攢子部提婆羅大菩薩生在南方是所作竟

大丈夫論卷下

癸卯歲高麗國大藏都監奉勅雕造

大丈夫論卷下

第五五則

實行王正論一卷

陳天竺三藏真諦譯

則

安樂解脫品第一

解脫一切障圓德所莊嚴礼一切智尊衆生真善友正法決定善為愛法大王我當說由法流注法器人先說樂因法後辯解脫法衆生前安樂次後得解脫善道具名樂解脫謂盡略說此二因唯信智二根因信能持法由智如實了二中智寂勝先藉信發行由癡貪瞋怖而能不壞法當知是有信吉祥樂名器已能熟簡擇身口意三業恒利益自他說為有智人然生盜邪婬妄言及兩舌惡罵不應語貪瞋與邪見此法名十惡翻此即十善離酒清淨命无逼惱心施供養所應敬略說法當尔若但行苦行決不生善法以離智悲故若唯有苦行不能除損他與救濟利益施戒脩所明正法大夷路若棄行邪道自苦受牛罰是生死曠澤无飲食樹陰或狼所食噉長遠於中行因煞生短壽逼惱招多病由盜致乏財侵他境多怨妄語違誹謗